

玉函山房輯佚書

目耕帖卷八

歷城馬國翰竹吾甫

書二

史記夏本紀漢書地理志並載禹貢全篇而與晚出  
書互異考馬遷從孔安國問而史記引書仍多用  
博士所習伏生之書如滎播旣都索隱云古文尙  
書作滎波此及今文並云滎播是也至於多增字  
句則隱括孔義爲之漢書所載文多脫異殆所謂  
劉向以中古文校歐陽大小夏侯三家經文異者

七百有餘脫字數十者歟今並取二書與經異者

大書經句附載其下可考見古今文之異同也

禹敷土

史記敷作傅

隨山刊木

史記作行山表木漢書刊作栒

奠高山大

川

史記奠作定

冀州既戰壺口治梁及岐

史記漢書並以冀州既載

絕句壺口治絕句

至于岳陽

史記漢書岳並作嶺

覃懷底績

史記底績作致

功至于衡章

漢書章作璋

厥土惟白壤

史記作其土白壤

厥賦

惟上上錯厥田惟中中

史記作賦上上錯田中中漢書無兩惟字恒衛

既從大陸既作

史記恒作常作作爲

島夷皮服

史記漢書島並作鳥夾

右碣石入于河

史記河作海

濟河惟兗州

史記充作沈淮沮

會同

史記漢書

是降邱宅土

史記作於是民

厥草

惟繇厥木惟條

史記作艸繇木條

厥田惟中下厥

賦貞

史記作田中下賦貞漢

作十有三載乃同

史記

漢書載並作年

厥貢漆絲厥篚織文

史記厥並作其漢書篚作

裴浮于濟潔達于河

漢書濟作沛達作通史記作通於河

岵夷既略

漢書略

維湍其道

史記其作既漢書作維湍其道

厥土白墳

史記

其海濱廣斥

漢書濱作瀕斥作渴史記亦厥田惟

上下厥賦中土

史記作田上下

厥貢鹽絺

漢書無

萊夷作牧

史記作萊夷為牧

厥篚檿絲

史記作其篚檿

達

于濟

史記作通于濟漢書濟作沛

淮沂其乂蒙羽其藝

史記又作治漢

書藝

大野既豬

漢書野作墜史記豬作都

𪔐土赤埴墳草木漸

包

史記厥作其草作艸

𪔐田惟上中厥賦中中

史記作其田中賦中中

漢書作田上中賦中中

厥貢惟土五色

史記無厥字漢羽賦書作貢土五色

夏翟

漢書翟作狄

泗濱浮磬

漢書濱作璆

淮夷蠙珠暨魚

漢書

頌作蚺史記漢書暨並作泉

厥篚玄纁綺

史記厥作其漢書篚作斐

達于河

史記達作通

彭蠡既豬

史記豬作都

陽鳥攸居

攸史記作所漢書作適

震澤底定

史記底作致

篠簜既敷

史記作竹箭既布

厥草惟夭

厥木惟喬

史記作其草惟天其木惟喬漢書作中

天其木厥土惟塗泥

史記

作其土塗泥漢書無惟字厥田惟下下厥賦下上上錯史記作

賦下上上雅漢書作厥貢惟金三品史記漢書並

田下下賦下上上錯漢書作惟金三品史記漢書並

瑤琨篠簜漢書現作瑣史惟木史記漢書夷卉史記厥作其

服漢書鳥厥篚織貝厥包橘柚錫貢漢書篚作其

沿于江海達于淮泗史記作均江海通淮泗漢九

江孔殷史記作九沱潛既道漢書作濞雲土夢

作史記作雲厥土惟塗泥史記作其土塗厥田

惟下中厥賦上下史記作田下中厥貢羽毛齒革

惟金三品史記漢書並作貢礪砥怒丹漢書礪三

邦底貢厥名

史記作三國致貢其名漢書邦亦作國

厥篚玄纁璣組

史記厥作其

九江納錫大龜

史記納錫作人賜

浮于江沱

潛漢

史記作浮於江沱漢書潛作潛

逾于洛至于南河

史記作踰

於雒至伊雒渥澗

史記漢書雒並作洛

榮波既豬

史記作榮插既都

導荷澤被孟豬

導史記漢書並作道孟豬

厥土惟

壤

史記作其土壤

厥田惟中上厥賦錯上中

漢書作田中賦錯上中

史記同錯

厥貢漆枲絺紵厥篚織纈

史記作貢漆絲紵紵其篚

又作雜

浮于洛達于河

史記作浮於雒達於河漢書達

枲絺紵枲織纈

史記岷作汶藝作藝

沱潛既道

歷史記作澤漢

書作厥土青黎史記作其厥田惟下土厥賦下中

三錯史記漢書並作田厥貢璆鐵史記漢書並無厥字狐狸

織皮史記狸西傾因桓是來漢書傾作依浮于潛漢書

潛作逾于沔史記逾澧水攸同史記攸作所荆岐

既旅史記既終南惇物史記惇至于豬野史記豬

三危既宅三苗丕敘史記宅作度厥土惟黃壤史記

作其土黃壤厥田惟上上史記漢書並

中厥貢惟璆琳琅玕史記漢書並無厥字崑崙析支渠搜西

戎即敘漢書崑崙作昆侖史記導所及岐史記作

崑崙作崑崙史記導所及岐史記作



汧及岐漢書汧亦作汧逾于河史記逾至于太岳史記漢書

底柱底史記太行恒山史記恒西傾漢書傾至于

陪尾陪史記作倍岷山之陽岷史記作汶導弱水

史記道下有九川二字至于合黎漢書黎南至于華陰東至

于底柱史記並無于又東至于孟津史記漢書東

過洛汭至于大伾史記洛作北過洛水史記漢書

又北播爲九河史記無嶧冢導漾史記導漾又東

爲滄浪之水史記滄至于大别史記至岷山導江

岷史記作汶漢書作嶧導並作道下同又東至于澧史記漢書東流

為濟

史記無流字漢書濟作沛

溢為榮

溢史記作決漢書作軼

東出于陶

邱北

史記無于字

又東至于荷

史記漢書荷並作荷

東會于澧

漢書

禮作

又東會于涇

史記作又東北至于涇漢書作東至于涇

又東過漆

沮

史記無又字

導洛

史記作道雒

又東北入于河

史記無又字

九

州攸同

漢書攸作迺

四隩既宅九山刊旅九川滌原

史記

隩作與宅字與今書同餘同史記

六府孔修庶士

交正底慎財賦

史記孔作甚庶作衆正作貞底作致

成賦中邦

史記漢書

邦並五百里甸服

史記五百里上有天子之國以外七字

賦納總

漢書

納作內下同

納秸服

漢書作內夏服

五百里侯服

史記五百里上有甸服外

三男邦

史記作任國漢書作男國

五百里綏服

史記五百里上有侯服外三字

五百里要服

史記五百里上有綏服外三字

朔南暨

漢書暨

禹錫

立圭告厥成功

史記作於是帝錫禹立圭以告成功於天

水經注引尚書大傳既修太遠原作遠案遠古文原

字伏生傳今文作遠猶存古字孔氏傳古文作原

則從隸書也

至于衡漳孔傳衡橫也謂漳水橫流入河正義引鄭

元亦云橫漳漳水橫流王肅云衡漳二水名釋云

衡如字橫也馬云水名翰案水經濁漳水又東北

過斥漳縣南鄆道元注應劭曰其國斥鹵故曰斥  
漳漢獻帝建安十八年魏太祖鑿渠引漳水東入  
清洹以通河漕名曰利漕渠漳津故瀆水舊斷谿  
東北出涓流瀦注而已尙書所謂覃懷底績至于  
衡漳者也括地志衡漳水在瀛州東北二十五里  
平舒縣界是衡漳一水孔鄭說是馬王之說非也  
陳大士云萬物榮於黃故雍州土壤極宜而田居上  
萬物隨乎帝故冀州生齒極盛而賦居先朱子云  
夏貢雖有常數仍有錯法以通之則貢亦未嘗不

通融也

鳥夷大戴禮記引作鳥與史記漢書同正義引鄭元  
云鳥夷東方之民搏食鳥獸者也王肅云鳥夷東  
北夷國名也案釋文引馬云鳥夷北夷國與王肅  
同經本作鳥今作鳥者開寶中改史記夏本紀亦  
作鳥夷張守節正義引括地志云靺鞨國古肅慎  
也在京東北萬里已下東及北各抵大海其國南  
有白山鳥獸草木皆白其人處山林間土氣極寒  
常爲穴居以深爲貴至接九梯養豕食肉衣其皮

冬以猪膏塗身厚數寸以禦風寒貴臭穢不潔作  
廁於中國而居多勇力善射弓長四尺如弩矢用  
楛長一尺六寸青石爲鏃葬則交木作槨殺猪積  
槨上富者至數百貧者數十以爲死人之糧以土  
上覆之以繩繫於槨頭出土以酒灌酹繩腐而止  
無四時祭祀也此以肅慎爲烏夷與孔傳異

夾右碣石入于河孔傳碣石海畔山禹夾行此山之  
右而入河逆上正義地理志碣石山在北平驪縣  
西南是海畔山也鄭云戰國策碣石在九門縣今

屬常山郡蓋別有碣石與名同今驗九門無此山也下文導河入于海傳云入于渤海渤海之郡當以此海爲名渤海北距碣石五百餘里河入海處遠在碣石之南禹行碣石不得入於河也蓋遠行通水之處北盡冀州之境然後南迴入河而逆上也又引鄭元云禹由碣石山西北行蓋冀州之境還行山東南行入河鄭以北行則東爲右南行則西爲右故夾山兩旁山常居右與孔異也史記夏本紀作入于海索隱地理志碣石山在北平驪城

縣西南太康地理志云樂浪遂城縣有碣石山長城所起又水經云在遼西臨遼縣南水中蓋碣石山有二此云夾右碣石入于海當非北平之碣石楊慎丹鉛錄右碣石卽河赴海處在北平郡南二十里左碣石在高麗以右字屬碣石對左而言最爲明晰右碣石有河赴海處與入河入海兩通則謂北平爲是冀州貢道不得遠至高麗也

兖州九河旣道孔傳河水分爲九道在此州界釋文九河徒駭一太史二馬頰三覆釜四胡蘇五簡六



絜七鉤盤入鬲津九出爾雅漢書溝洫志成帝時  
河隄都尉許商上書曰古記九河之名有徒駭胡  
蘇鬲津今見在成平東光界中自鬲津以北至徒  
駭其間相去二百餘里是知九河所在徒駭最北  
鬲津最南蓋徒駭是河之本道東出分爲八枝也  
朱子注孟子九河以簡與絜爲二與爾雅同而蔡  
傳本曾氏以爲簡絜本一水其一則河之經流王  
伯厚作河渠攷主蔡說考水經注謂九河碣石苞  
淪於海漢世近古止爲其三而唐人遂得其六歐

陽志與地記又得其一誠有如厚齋所云或新河  
載以舊名或一地而爲兩記要皆未足深據然爾  
雅古經所宜考信也正義引春秋緯寶乾圖云移  
河爲界在齊呂填闕八流以自廣鄭元蓋據此文  
爲齊桓公塞之也言闕八流拓境則塞其東流八  
枝并使歸於徒駭也而集傳旣合簡帛又益其一  
以爲河之經流亦無據甚矣

澠沮會同爾雅釋水澠返入水又水自河出爲澠濟  
爲澠郭璞注卽河水決出復還入者河之澠猶江

有汜澹大水溢出爲小水之名集傳水自河出爲澹濟出爲沮與爾雅同然則沮卽澹也沮澹二字音相近故經假沮爲澹也又周禮夏官職方氏充州其浸盧維鄭元注維於恭切考史記漢書澹並作羅雍維字形相似故訛雍爲維耳

厥賦貞作十有三載乃同鄭元注治此州正作不休十三年乃有賦與八州同案其文義似以厥賦貞作斷句

丹鉛總錄許氏說文濕水名音榻卽禹貢之漯水孟

子所謂滹濟水也班史地理志古北平俊靡縣滹  
水南至無終東入庚水水經注庚水與鮑邱水合  
俊靡魏書道武帝如馬邑觀滹水注卽紫河也出  
鴈門陰館縣滹頭山一曰治水師古曰滹力追反  
丁度集韻滹灑滹三字同注曰水出鴈門合而證  
之則古名滹水音榑今名滹水音累二音皆通案  
水經卷十有滹水云出鴈門陰館縣東北過代郡  
桑乾縣南而五卷別有滹水附河水之後云又東  
北入東武陽縣東入河又有滹水出焉歸道元注

引地理志曰漯水出東郡武陽縣又引桑欽地理志曰漯水出高唐復辨之以爲余案竹書穆天子傳稱丁卯天子自五鹿東征釣于漯水之上以祭淑人是日癸卯己巳天子東征食于漯水之上尋其沿歷逕趣不得近出高唐也桑氏所言蓋津流出次於其間也俗以是水上承於河亦謂之源河矣又注濕水云濕水自南出謂之清泉又云清泉至潞所在枝分當是濕水別派流爲微津散漈難尋至武陽高唐之間承河而出觀水經於濕水不

敘所終於潔水不原所始其爲一水名矣乃集傳  
旣以濕潔爲一水而復云潔者河之支流蓋亦僅  
據上承於河之說也徐鉉說文溼字注今人不知  
以濕爲此字濕乃水名毛居正六經刊誤濕本合  
韻託合切水名後誤以乾溼字翰案說文以濕卽  
禹貢孟子之濟潔蓋潔本字也後以潔爲濕又轉  
以濕爲乾溼之溼承訛已久所宜訂正也

風俗通山澤篇引書桑土旣蠶民乃降邱宅土段氏  
撰異此今文尙書也

怪石蔡傳怪異之石林氏曰怪石之貢誠爲可疑意  
其必須以爲器用之飾而有不可闕者非特貢其  
怪異之名以爲玩好也案孔傳怪異好石似王者  
釋文怪石砮砮之屬詩衛風充耳琇瑩毛傳琇瑩  
美石也天子玉璜諸侯以石冬官玉人職天子用  
全上公用龍侯用璚伯用將鄭注公侯四玉一石  
伯子男三玉二石此服飾用石之證虞夏制視周  
爲質或天子服飾亦多用石青州所貢亦此美石  
之次王者程大昌演繁露禹貢青州貢品有鉛松

怪石而說者疑怪石之爲玩物不當賣貢予曰非也其所謂怪非今世所玩如靈壁太湖之石嵌空玲瓏可爲戲玩也質狀色澤似石而非石故以怪名也怪者異也

乘夷作牧趙氏翼陔餘叢考謂卽用萊夷之長使之官其地統其衆如後世之土司耳牧卽牧伯之牧據漢官舊儀東萊周時曰萊子國以爲卽萊人爲君長之証可謂讀書善尋間者矣

厥土赤埴墳釋文埴市力反鄭作戠徐鄭王皆讀曰



熾韋昭音試案太平御覽引謝沈注哉音志亦用  
鄭本隋志尙書十五卷晉祠部郎謝沈撰今佚唯  
見此一條而已

草木漸包釋文漸如字本又作蘄字林才冉反草之  
相包裹也包必茅反字或作苞非叢生也馬云相  
包裹也盧氏考證包本作苞開寶乃互易之苞正  
是叢生安得非之其妄收之迹宛然翰案說文漸  
草相蘄苞也許用尙書爲說亦作苞陸謂本文作  
蘄亦與說文合

封氏間見記兗州鄒繹山南面平復東西長數十步  
廣數步其處生梧桐傳以爲禹貢繹陽孤桐者也  
士人云此桐所以異於常桐者諸山皆發地兼土  
惟此山大石攢倚石間周回皆通人行山中空虛  
故桐木絕響以是珍而入貢也案漢書地理志下  
邳縣西有葛繹山古之繹陽下邳也郭緣生述征  
記云繹山在下邳者是也鄒山記云鄒山蓋古之  
繹山始皇刻碑處文字分明始皇乘羊車以上其  
路猶存案此地春秋時邾文公卜遷於繹者也始

皇刻石紀功其文字本李斯小篆後魏太武帝登山使人排倒之云云又曰今間有繹山碑皆新刻之碑也其文云刻此樂石學者不曉樂石之意顏師古云謂以泗濱磬石作此碑始皇於瑯琊會稽諸山刻石皆無此語謂繹山碑有之故知然也

泗濱浮磬孔傳泗水涯水中見石可以爲磬正義泗水旁山而過石爲泗水之涯石在水旁水中見石似若水上浮然此石可以爲磬故謂之浮磬貢石而言磬者此石宜爲磬猶如砥礪然也蔡傳浮磬

石露水濱若浮於水然或曰非也泗濱非必水中  
泗水之旁近浮石者石浮於土中不根著者也今  
下邳有石磬山或以爲古取磬之地曾氏曰不謂  
之石者成磬而後貢也此皆破正義之說案正義  
說固迂曲而謂浮土中不根著亦不近理王嘉拾  
遺記浮瀛羽磬撫節按歌又云浮瀛卽瀛洲也上  
有青石可爲磬磬者長一丈輕若鴻毛因輕而鳴  
郭憲洞冥記漢武帝起招仙閣於甘泉宮其上懸  
浮金輕玉之磬浮金者自浮於水上輕玉者其質

貞明而輕也二書所記多荒誕不足信而謂磬質  
浮輕則良是陳大猷尙書集傳或問磬聲清越取  
輕浮者良得浮磬之解矣陳霆兩山墨譚禹貢泗  
濱浮磬注謂石露水濱若浮於水然取而琢之可  
以爲磬今淮陽泗州等處乃淮泗合流嘗周視河  
次絕無所謂浮石而去泗州西可百里縣曰靈璧  
其北山之石色蒼碧者琢之爲響版而音韻清越  
非金鐵比也疑古所謂浮磬豈卽此地所產禹嘗  
扣之而知其聲乃舉以充貢耶此說得之目覩尤

足取證

淮夷釋文鄭云淮水之夷民也馬云淮夷二水名孔  
傳云淮夷之水本亦有作淮夷二水也案詩大雅  
淮夷來同指淮水之夷則鄭說爲是

蟪說文又作玼引宋宏說云淮水中出玼珠玼珠之  
有聲者史記夏本紀索隱嶺一作玼漢書地理志  
顏師古注蟪字或作玼大戴禮記保傅篇玼珠以  
納其間盧辯注玼亦作蟪文選何平叔景福殿賦  
垂環玼之琳琅李善注玼蒲眠反珠也五音集韻

玳部迷切音聳淮珠也皆從說文集韻上聲十七  
隼婢忍切蟻引劉昌宗讀此音久不行矣

浮于淮泗達于河釋文河如字說文作荷工可反云  
水出山陽湖陵南案今說文荷澤水在山陽胡陵  
此有南字胡作湖陸氏所見本異叔重傳古文學  
則作荷是古本今書作河由梅賾輩妄改也

諸注家三江之說極多國語子胥曰三江環之民無  
所移韋昭解三江謂吳松江也錢塘江也浦陽江  
也張守節史記正義三江者在蘇州東南三十里

名三江口一江西南上七十里至太湖名曰松江  
口笠澤江一江東南上七十里白蜺湖名曰上江  
亦曰東江一江東北下三百餘里入海名曰下江  
亦曰婁江於其分處號三江口顧夷吳地記云松  
江東北行七十里得三江口東北入海爲婁江東  
南入江爲東江並松江爲三江是也集傳主庾仲  
初吳都賦注松江下七十里分流東北入海爲婁  
江東南南流者爲東江並松江爲三江黃氏曰鈔  
世說三江者甚衆率於地理不合至稅安禮禹貢



指掌圖一出指豫章九江出彭蠡者爲南江以足經文中江北江之數其論始定楊慎丹鉛錄駁之以爲審如其說於震澤何關耶又謂案蔡沈黃震之說皆於下流求之名以地訛號隨世改恐非禹貢三江之說也曷於上流發源求之徐鉉說文云江出崦山至楚都名南江至潯陽爲九道名中江至南徐州名北江入海郭璞山海經注岷山大江所出也崦山南江水所自出也崦山北江水所自出也三江皆發源於蜀而注震澤禹貢紀其源而

及其委豈區區爲吳地紀其瑣屑改易不常之名  
乎其說甚辯然不若顧寧人日知錄之說尤爲備  
晰顧云北江今之揚子江也中江今之吳淞江也  
不言南江而以三江見之南江今之錢塘江也禹  
貢該括衆流無獨遺浙江之理而會稽又他日合  
諸侯計功之地也特以施功少故不言於導水爾  
三江旣人一事也震澤底定又一事也後之解書  
者必謂三江之皆由震澤以二句相蒙爲文而其  
說紛紜矣翰案三江之說紛如聚訟當以林亭爲

目耕帖

卷八

最確云

篠簜集傳篠之材中於矢之筈簜之材中於樂之管  
簜亦可爲符節周官掌節有英簜案戴凱之竹譜  
篠出魯郡鄒山堪爲笙釋文簜或作篋篇海篋竹  
器可以盛酒則篠簜之供器用不止於矢筈樂  
符節蔡蓋舉重而言耳

瑤琨釋文琨美石也馬本作璫韋昭音貫案說文引  
書亦作瑤琨馬蓋參用今文也

厥包橘柚吳仁傑離騷草木疏引鄭注云包橘柚乃

三物包普膠切案集韻平聲下五爻包班交切又蒲交切炮包苞引說文瓠也鄭作三物解音正同炮當是訓爲瓠也錫貢史記集解引鄭注有錫則貢之或時乏則不貢錫所以柔金也其說皆異

沿子江海釋文鄭本作松松當爲沿馬本作均云均平作均者今文作松者古文之異字也東坡書傳吳王夫差闢溝通水而江始有入淮之道禹時則無之翰案禹貢導淮自桐柏東會于泗沂東入于海孟子決汝漢排淮泗而注之江孟子與禹貢不

目耕帖

卷八

合今以揚州貢道沿于江海達于淮泗二語釋之  
義自相貫蓋淮不通江而泗通于淮江不通淮而  
淮與江並入海惟禹時江淮未通故其貢道沿江  
入海自海入淮泗夫既通淮泗以沿海者沿江卽  
謂排淮泗以注江者注海亦何不可孟子注江之  
說正從沿于江海句出也

九江釋文引潯陽地記云一曰烏白江二曰蚌江三  
曰烏江四曰嘉靡江五曰畎江六曰源江七曰廩  
江八曰提江九曰箇江又引張須元緣江圖云一

曰三里江二曰五州江三曰嘉靡江四曰烏土江  
五曰白蚌江六曰白鳥江七曰箇江八曰沙提江  
九曰廩江案二說除嘉靡江箇江廩江名同白鳥  
江卽烏白江白蚌江卽蚌江烏土江卽烏江沙提  
江卽提江三里江五州江當卽畎江源江傳者異  
稱耳

杔榦栝柏說文杔作樛左傳襄十七年孟莊子斬其  
杔以爲公琴杜預注栝杔也琴材廣韻類篇並云  
椿同杔禹貢作杔左傳作栝說文作樛皆一物也

唐本草椿栲二樹形相似栲木疎椿木實蘇頌本草圖經椿葉香可啖栲氣臭北人呼爲山椿江東人呼爲鬼目今俗呼椿爲香椿呼栲爲臭椿諺語亦自有本孔傳幹栲也正義幹爲弓幹考工記云弓人取幹之道也以栲爲上史記集解引鄭注亦以純幹栲柏爲四木蔡傳栲木似栲而可爲弓幹恐非是栲說文作椿今譌作栲廣韻栲他念切添去聲與椿同說文栲炊竈木也郭忠恕饋鱗以竈炊之栲爲栲柏其順非有如此者案廣韻栲與檜

同柏葉松身亦作栝字蓋栝從干從口說文所謂  
炊竈木也或作𣎵栝從舌檜也說文作檮世俗以  
相似而致誤

邱光庭兼明書禹貢揚州所貢包匭菁茅孔安國曰  
包橘柚也匭匣也菁以爲菹茅以縮酒左傳僖四  
年稱齊侯責楚云爾貢包茅不入王祭不共無以  
縮酒寡人是徵杜元凱曰包裹束也茅菁茅也明  
曰孔失而杜得也何以言之案太史公封禪書云  
江淮之間一茅三脊是知菁茅卽三脊之茅也菁



者茅之狀貌菁菁然也三脊之茅諸土不生故楚人特貢之也孔云菁可爲菹是謂菁爲蔓菁也且蔓菁常物所在皆生何必須事楚國匣盛而貢之哉故知孔失之矣案正義亦謂鄭元以菁茅爲一物匭猶纏結也菁茅之有毛刺者重之故旣包裹而又纏結也疏附鄭義蓋亦疑孔說之非矣薛季宣古文訓引劉蕡曰今辰州盧溪縣包茅山出三脊茅案山名包茅正用菁義此又可証

困學紀聞豫州滎波旣豬古文云滎播旣都職方氏

豫州其波澹鄆注云波讀爲播禹貢曰滎播既  
都賈公彥疏云禹貢有播水無波水然則漢唐書  
本皆作滎播也案波水出霍陽見水經注穀水篇  
爾雅云水自洛出爲波蓋波播二字古通用鄆與  
馬融本同史記作播故注周禮云波讀爲播賈疏  
以爲禹貢無波水殆失深考

華說文作華西嶽名在宏農華陰縣西南从山華省  
聲釋文華胡化胡瓜二反案華山志山頂有蓮服  
之羽化故名爲華嶺蒙名山記山頂生千葉蓮因

名華山張載劍閣銘南通邛犍北達褒斜狹過彭  
碣高踰嵩華韻與斜叶此讀胡瓜反者從花爲義  
也白虎通西嶽爲華山者華之爲言穫也言萬物  
成熟可以得穫也此讀胡化反者又從穫爲義也  
說文傳古文學白虎通當是今文家說華陽黑水  
孔傳東據華山之南西距黑水集傳從之亦云華  
山之陽考常璩華陽國志聖禹嗣興導江疏河百  
川緡修封殖天下因古九圍以置九州仰稟參伐  
俯壤華陽黑水江漢爲梁州又云洛書人皇始出

繼地皇之後兄弟九人分理九州爲九圍人皇居  
中州制八輔華陽之壤梁岷之域是其一圍然則  
華陽蓋古地名以在華南故曰華陽非僅謂山之  
南也

蔡蒙旅平集傳云祭山曰旅陳大猷或問旅獨於梁  
雍言之者蓋九州終於梁雍以見前諸州名山皆  
有祭也案山海經南山經凡鵠山之首自招搖之  
山以至箕尾之山凡十山二千九百五十里其神  
狀皆鳥身而龍首其祠之禮毛用一璋圭瘞瘳用

稌米一璧稻米白菅爲席又云凡南次二經之首  
自柜山至於漆吳之山凡十七山七千三百里其  
神狀皆龍身而鳥首其祠毛用一璧瘞瘠用稌又  
云凡南次三經之首自天虞之山以至南禺之山  
凡一十四山六千五百三十里其神皆龍身而人  
面其祠皆一白狗祈禱用稌西山北山東山中山  
諸經並詳載祠禮神禹旅山之典猶可考見也又  
華陽國志其名山有圖籍靈臺石書刊山其民質  
直好義士風敦厚有先民之流風故其詩曰川崖

惟平其稼多黍旨酒嘉穀可以養父野惟阜邱彼  
稷多有嘉穀旨酒可以養母其祭祀之詩曰惟月  
孟春獮祭彼崖永言孝思享祀孔嘉彼黍旣潔彼  
儀惟澤蒸命良辰祖考來格其好古樂道之詩曰  
日月明明亦惟其若誰能長生不朽難獲又曰惟  
德實寶富貴何常我思古人令聞令望詩未知作  
於何代其書刊山殆亦峒嶠禹碑之類字

和夷鄭元曰和上夸所居之地和讀曰桓地志曰桓  
水出蜀郡蜀山行羌中者也酈道元水經注取之

又引尚書西傾因桓是來馬融王肅云西治傾山  
唯曰桓水是來言無他道也以爲按經據書岷山  
西傾俱有桓水桓出西傾山更無別流所導者惟  
斯水耳浮於潛漢而達江沔故晉地道記曰梁州  
南至桓水西底黑水東限扞關今漢中巴郡汶山  
蜀郡漢嘉江陽朱提涪陵陰平廣漢新都梓潼犍  
爲武朝上庸魏興新城皆古梁州之地自桓水以  
南爲夸書所謂和夸底績也然所可當者唯斯水  
耳桓水蓋二水之別名爲兩江之通稱矣鄭元注

尙書言織皮謂西戎之國也西傾雍州之山也雍  
戎二野之間人有事於京師者道當由此州而來  
桓是隴阪名其道盤桓旋曲而上故名曰桓是今  
其下民謂是阪曲爲盤也又復綜潛漢諸流以証  
鄭說謂不乖禹貢入渭之文實符尙書亂河之義  
釋文和如字又作𪛗鄭云和讀曰洹案洹水出上  
黨沁氏縣與梁州無涉蓋桓字傳寫之譌也

厥貢璆鐵銀鏤砮磬孔傳璆玉名集傳璆玉磬案詩  
小雅鞞琫有珌毛傳諸侯盪琫而璆琫釋文璆玉



也楚詞九歌撫長劒兮玉珥璆鏘鳴兮琳瑯王逸  
注璆琳瑯皆美玉也史記孔子世家環佩玉聲璆  
然皆以玉言與孔傳合國語晉語籛條蒙璆韋昭  
解璆玉磬也漢書刑法志璆磬金鼓顏師古注璆  
美玉名以爲磬也此蔡氏之所本但經只言璆與  
鐵並言下乃云磬磬似玉磬不如言玉之爲得也  
釋文乃於此璆字下引韋昭郭璞云紫磨金案郭  
注爾雅璆卽紫磨金考爾雅釋器黃金謂之盨其  
美者謂之鏐故郭注鏐卽紫磨金作鏐不作璆而

陸云然者考史記夏本紀貢璆鐵銀鏤簪簪集解  
引孔安國曰璆玉名鄭元曰黃金之美者謂之鏐  
是鄭本作鏐與孔異釋文韋昭郭璞上當有一本  
作鏐句下乃引韋郭云紫磨金也郭注爾雅璆卽  
紫磨金璆亦當是鏐字後人傳寫脫誤因改鏐爲  
璆爾抱經堂校鐵華陽國志引作璆鐵鐵古鐵字  
抱朴子金丹卷以鐵匕攪之十日還爲丹亦用此  
鐵字

西河孔傳龍門之河在冀州西秦西河古國也竹書

紀年后啓征西河羅泌路史國名記夏世侯伯有  
西河國后啓征之史記白翟在涇洛之北西河國  
洛之間水經河水又南逕西河國陽縣東今鄜州  
洛川縣卽古西河國地見洛川縣志

涇屬渭汭孔傳水北曰汭案周禮夏官職方氏雍州  
其川涇汭鄭注汭在豳地詩大雅公劉曰汭沔之  
卽賈疏若然汭爲水名按彼毛傳之芮水厓也箋  
云芮之言內也水之內曰隕水之外曰鞠就涇水  
之內外而居於此義違者按詩上云夾其皇涇邇

其過澗故以芮鞠爲外內今爲水名者蓋周公制  
禮之時以汭爲水名卽皇澗名曰汭耳此說迂曲  
蓋禹貢之涇屬渭汭卽職方之其浸涇汭也禹時  
已有此水豈周公始名之耶鄭注禮引詩汭泥之  
卽蓋本魯韓詩後箋毛詩乃用說文水折之義以  
合於毛傳水厓之訓故不同耳蔡傳以水地志作  
芮扶風汭縣弦蒲菽芮水出其西北東入涇據此  
以涇渭汭三水名確不可易

水經漆水出扶風杜陽縣俞山東北入於渭沮水出

北地直路縣東過馮翊郡。郡縣北東入於洛。酈道  
元注山海經曰。踰次之山。漆水出焉。北流注於渭。  
蓋自北而南矣。尙書禹貢太史公禹本紀云。導渭  
水東北至涇。又東逕漆沮入於洛。孔安國曰。漆沮  
二水名。亦曰洛水也。出馮翊北。周太王去邠度漆  
踰梁山止岐下。故詩曰。民之初生自土漆沮。又曰。  
率西水滸至于岐下。是符禹貢本紀之說。許慎說  
文稱漆水出右扶風杜陽縣岐山東入渭。从水漆  
聲。又云。一曰漆城也。潘岳關中記曰。關中有涇。

渭源注鄠鄠漆沮之水鄠鄠漆沮四水在長安西  
有漆縣皆注鄠鄠水北注渭開山圖曰麗山西北  
有溫池溫池西南八十里岐川在杜陵埤長安西  
有渠謂之渠渠班固地理志云漆水出漆縣西開  
關十三州志又云漆水出漆縣西北岐山東入渭  
今有水出杜陽縣岐山北渠鄠謂之漆渠西南注  
岐水但川土奇異今說互出考之經史各有所據  
識淺見浮無以辨之矣樂史太平寰宇記漆水按  
酈道元注水經云漆水自宜祿縣界來又東過扶

風漆縣北以水經驗之卽邠州所理是也漢志注云漆水在縣西今縣西七里有白土川水東北流白土原東陳陽原西又東北流注千涇或恐白土水是漢之漆水但古今異名耳今鳳翔府東北一百六十里麟遊縣東南亦有一漆水南流與杜陽水合非漢之漆水也翰案說文所言漆水出于扶風杜陽者此漆水酈氏兩合漆水而一之無怪其難通也考漆水源出同官縣之北高山西南流合銅官水寰宇記漆沮水一名石川水受雄回川水

又西南受富平川水又南逕耀州東又至州南與沮水合沮水源出中部縣子午嶺南流宜君西又南入耀州界受鄭川大峪河紙房河姚谷河石嘴河府西河水入同官縣界受呂村河沙羅河水復入耀州境受胡思泉水西南受梁家泉水與漆水會爲石川河又南入富平縣界以今地域訂之瞭然可辨

終南惇物正義引地理志云扶風武功縣有太一山古文以爲終南垂山古文以爲惇物皆在縣東張



君雲笈七籤華山古之惇物也高七十丈周迴二十里樂史太平寰宇記亦云敦物山卽華山之別名自華州華陰東接潼關連亘經於是邑漢志言垂意垂華相似因而傳訛耳

琢琳琅玕詩釋文引鄭注尙書云璆美玉玲美石也韓奕詩正義引鄭云琅玕珠也文義皆與孔傳異浮于積石至于龍門西河孔傳龍門山在河東之西界漢書地理志龍門山在左馮翊夏陽縣北顏師古注龍門山其西在今韓城縣北其東在今蒲州

龍門縣北而河從其中流出胡渭禹貢錐指自後  
魏改漢河東皮氏縣曰龍門縣而龍門之名遂被  
於東岸故顏師古謂龍門西在今韓城縣北其東  
在今龍門縣北宋改龍門縣曰河津縣西北二十  
五里有龍門山蓋卽壺口之南支古時東岸無龍  
門之名也三才圖會禹門禹貢龍門也一名禹門  
渡兩山石立河出其中廣百步世謂禹鑿衛氏地  
圖記龍門山一名封山形似筆架山上多紫荊又  
名紫荊山

織皮崐崙析支渠搜史記索隱鄭元以爲衣皮之人  
居崐崙析支渠搜三山皆在西戎王肅曰崐崙在  
臨羌西析支在河關西戎在西域王肅以爲地名  
而不言渠搜今按地理志金城臨羌縣有崐崙祠  
敦煌廣至縣有崐崙障朔方有渠搜縣翰案水經  
注亦引地理志曰朔方有渠搜縣中部都尉治王  
莽之溝搜亭也禮三朝記曰北發渠搜南撫交趾  
南與北討禹貢之所云析支渠搜矣

導所及岐釋文冊音牽字又作汧山名一名吳岳馬

本作開正義地理志云吳嶽在扶風岍縣西古文  
以爲岍山案周禮夏官職方氏雍州其山鎮曰嶽  
山鄭注吳嶽也在汧爾雅吳山爲河西鎮後漢書  
鄠國志汧縣有吳嶽山別名吳山水經注汧山發  
南山西側俗以此山爲吳山三峰霞舉疊秀雲天  
崩巒傾返山頂相捍望之常有落勢國語所謂虞  
矣唐六典關內道名山曰吳山陸仙埤雅吳山爲  
西嶽此岍名吳嶽之證太平寰宇記吳嶽別名開  
山此馬融本作開之證史記夏本紀作汧及岐以

沂水出此山故作沂蓋今文尙書如此也樂班酈  
皆以吳嶽卽古岍山而史記封禪書言自華以西  
名山七曰華山嶽山岐山吳嶽鴻冢瀆山而  
無岍山又析吳嶽與嶽山爲二王士正隴蜀餘聞  
吳與岍自是兩山酈注未詳而晁氏則云今之隴  
山天井金門秦嶺皆古之岍山羅彰彝隴州志則  
以州西四十里之吳山爲岍山州南七十里之嶽  
山爲吳嶽吳炳隴州續志辨之云吳山漢志雖云  
在縣西而岡巒綿亘延及其南與嶽山只是一山

白馬尊嶢山曰嶽山俗又謂之吳山或又合稱吳嶽而嶢山之名遂隱其實此二山者周禮總謂之嶽山禹貢總謂之嶢山當以漢志爲正其說確不可易矣水經注三峰霞舉三當是五字之訛圖書編吳山在隴州有五峰一曰鎮西二曰大賢三曰靈應四曰會仙五曰望輦羅志謂吳山之峯一十有七得名者五志載有毓秀峯凝翠峯擎天峯凌雲峯晴映峯鸚鵡峯來鶴峯並五峯爲十二又有筆架山大錦屏小錦屏棲霞島閭王窰五者雖不

以峯名而實亦峯也合此計之符十有七峯之數  
矣史記索隱汧壺口砥柱太行西傾熊耳嶧冢內  
方岐山是九山也古分爲三條故地理志有北條  
之荆山馬融以汧爲北條西傾爲中條嶧冢爲南  
條鄭元分四列汧爲陰列西傾爲次陰列嶧冢爲  
陽列岐山爲次陽列導汧爲北條之首陰列之先  
則吳山實西北諸山之綱紀衆水之統宗乎

至于太岳李吉甫元和郡縣圖志引鄭注今河東統  
縣霍太山是也

枉鄭元同史記作砥注云按地說河水東流貫砥  
柱觸閘流今世所謂砥柱者蓋乃閘流砥柱當在  
西河水經注引鄭說而非之曰西河當無山以礙  
之自砥柱以下五戶以上其間一百二十里河水  
竦若桀出勢連襄陸蓋亦禹鑿以通河疑此爲閘  
流也史記正義引括地志曰底山俗名三門山硤  
石縣東北五十里黃河之中

太行釋文行戶剛反又如字丹鉛總錄引山經太行  
山一名五行山列子作大形則行本音也河圖括



地象云太行天下之脊郭緣生述征記云太行首  
始河內自河內至幽州凡有八陁崔伯易感山賦  
上正樞星下開冀方起爲名邱妥爲平岡魏乎甚  
尊其名太行蓋赶韻之誤耳

裴駰史記集解引鄭元曰地理志熊耳在盧氏東外  
方在潁川嵩高山桐柏山在南陽平氏東南陪尾  
在江夏安陸東北若橫尾者張守節正義橫尾古  
陪尾山也

導黑水至于三危入于南海鄭元曰地理志益州填

池有黑水祠而不記此山水所在酈道元注水經  
銳意尋討亦不能知黑水所經之處焉端臨文獻  
通考輿地考謂孔鄭通儒亦莫知其處是年代久  
遠遂至湮涸無以詳焉丹鉛總錄引杜氏通典曰  
吐蕃有可跋海去赤嶺百里方圓七十里東南流  
入西洱河合流而東號曰漾濞水又東南出會川  
爲瀘水焉瀘水卽黑水也長寧周文安公云三危  
山在雲南麗江其源委旣詳足以補禹貢之注

水經注禹貢山水澤地篇合離山在酒泉合水縣東

北又水經言絳水出西南東入海案合離卽合黎絳水卽泅水皆用今文尙書字也

河圖緯象河導崑崙山名地首上爲權勢星此一山也東流千里至規其山名地契上爲距樓星二曲也邠南千里至精石山名地肩上爲別符星三曲也案精石邠南千里入隴首山間抵龍門首名地卽積石根上爲營室星四曲也龍門上爲王良星爲天橋神馬出河躍南流千里抵龍首至卷重山名地咽上爲卷舌星五曲也東流負砥柱觸關流山名地

喉上爲樞星以運七政六曲也西距卷重山千里  
東至維會名地神上爲紀星七曲也東流至大伾  
山名地肱上爲輔星八曲也東流過絳水千里至  
大陸名地腹上爲虛星九曲也元潘昂霄河源志  
黃河九折胡地有二折蓋乞兒馬出反必赤里也  
二書所載皆與禹貢合

北過降水至于大陸史記集解引鄭元曰降水在信  
都南水經注引鄭云水土之名變易世失其處見  
降水則以爲絳水故依而廢讀或作絳字非也今

目耕帖

卷八

三迭如故會和杉

河內北共山洪水共水出焉東至魏郡黎陽入河  
近所謂降水也降讀如廊降于齊師之降蓋周時  
國於地者慈言降故改之共耳又今河所從入去  
大陸遠矣館陶北屯氏河其故道與注疏本作降  
蔡氏集傳本改作澤浸失古義

水經注同爲逆河鄭曰下尾合曰逆河言相承受矣  
蓋水潤下之勢以通四海及齊桓霸世塞廣田居  
同爲一河故自堰以北館陶瘦陶貝邱鬲般廣川  
信都東光河間樂成以北城池並存川瀆多亡蔡

傳謂河上插而爲九下同而爲一其分播合流皆  
水勢之自然禹特順而道之耳說與鄭注相發明  
漢書溝洫志引書作同爲迎河逆作迎亦用今文  
祝穆方輿覽勝天下之大川以漢名者二班固謂之  
東漢西漢而黎州之漢水源於飛越嶺者不與焉  
固之所謂東漢則禹貢之導漾自嶓冢逕梁洋金  
房均襄郢復至漢陽入江者也西漢則秦代漢中  
之甲輕舟出於巴乘夏水下漢四日而至五渚者  
其源出西和丹徼外經階沔與嘉陵水合俗謂之

目耕帖

卷八

西漢又經大安利劍果合涪水合於江自馬嶺同行二十餘里至龍涸又八十里至西陵縣又南下六十里至石鏡又六十餘里而至北部始百許步又西北二十餘里至汶山故郡乃廣二百餘步又西南百八十里至熈坂江稍大矣諸家說漢水多混不及此之明晰

元和郡縣圖志引裴秀禹貢地域圖漢氏釋湘水改秩漢水爲四瀆以其國爲氏案裴圖文佚晉書載其序說此外少見引證

丹鉛總錄蜀山之最大者曰岷山其川曰岷江說文作  
𣶒省作𣶒漢人隸書作汶多與汶上之汶相混列  
子終不踰汶謂川江也非汶上也殷敬順已辨之  
矣史記冉駹爲汶山郡司馬溫公類篇曰汶音岷  
據史記引禹貢岷嶓旣藝及岷山之陽及岷山導  
江皆作汶蓋古字通用也三國志蜀後主至前登  
觀坂汶水之流王右軍與周益州撫曰要欲遊目  
汶嶺五代史蜀主王建貶衛少卿李嗣爲汶州尉  
徐無黨注汶讀作岷而今汶川縣誤呼作問音蜀



安得齊南魯北之水平翰案水經江水自天彭關東逕汶關而歷氏道縣酈注汶阜山在徼外江水所導也汶皆當讀爲岷王逸楚辭注引尙書汶山道江蓋作汶者今文如此又酈注岷山卽瀆山也水曰瀆水矣瀆之名當由四瀆而起世鮮用之

困學紀聞曾彥和謂東陵今之巴陵案史記正義岳州有巴陵蓋是東陵曾說本此毛晃禹貢指南水經注江水又東左得青林口水出廬江郡之東陵鄉江夏有西陵縣故此言東一說巴陵與夷陵爲

東西夷陵一曰西陵則東陵爲巴陵可知

山海經王屋之山澗水出焉西北流注於秦澤郭璞  
注澗沈聲相近卽沈水也應劭云濟出常山房子  
縣贊皇山廟在東郡臨邑縣濟齊其度量也酈道  
元水經注引之以爲二濟同名也所出不同鄉源  
亦別斯乃應氏之非矣今濟水重源出溫城西北  
平地水有二源東源出原城城東北昔晉文公伐  
原以信而原降卽此城也俗以濟水重源所發因  
復謂之濟源城其水南逕其城東故縣之原鄉杜

預曰沅水縣東北有原城者也是南流與西源合而源出原城西東沅水注之水出西南東北流注於濟濟水又東逕原城南東合北水亂流東南注分爲二水一水東南流俗謂之衍水卽沅水也行沅聲相近傳呼失實也水經又云濟水又東北灤水出焉酈注灤水出歷縣故城西南泉源上涌若輪春秋桓公十八年公會齊侯於灤是也俗謂之爲娥姜水也以泉源有舜妃娥英廟也集傳引南豐曾氏齊州二堂記云泰山之北與齊之東南諸

谷之水西北匯於黑水之灣又西北匯於相崖之  
灣而至於渴馬之崖蓋水之衆也衆而其北折而  
西也悍疾尤甚及至於崖下則泊然而止而自崖  
而北至於歷城之西蓋五十里而有泉湧出高或  
致數尺其旁之人名之曰趵突之泉齊人皆謂嘗  
有藥糝於黑水之灣者而見之於此蓋泉自渴馬  
之崖潛流地中而至此復出也其注而北則謂之  
濞水達於清河以入於海舟之通於濟者皆於是  
乎達也齊多甘泉其顯名者十數而色味皆同以

目耕帖

卷八

驗之蓋皆灤水之旁出者也然則水之伏流地中  
固多有之矣案金人有歷下泉名碑凡七十有二  
如金線杜康馬跑孝感之類其皆濟水之伏出者  
歟

古岳瀆經禹理水三至桐柏山驚風走雷石號木鳴  
五伯擁川天老肅兵不能興禹怒召集百靈搜命  
夔龍桐柏千君長稽首請命禹因囚鴻臚氏章商  
氏兜盧氏犁盧氏乃獲淮渦水神名無支祈善應  
對言語辨江淮之淺深原隰之遠近形若猿猴縮

鼻高額青瞳白首金目雪牙頭伸百尺力踰九象  
搏螭騰掉疾奔輕利倏忽聞視不可久禹授之童  
律不能制授之烏木田不能制授之庚辰能制鴟  
脾桓木魅水靈山祇石怪奔號聚繞以數千計庚  
辰以戰逐去頸鎖大索鼻穿金鈴徙淮陰之龜山  
足下俾淮水永安流注海也庚辰之後皆圖此形  
者免淮濤風雨之難此載太平廣記李湯條注出  
戎幕閑談謂隴西李公佐與宏農楊衡徵異話奇  
楊告公佐云永泰中李湯任楚中刺史時有漁人

目耕帖

卷八

夜釣於龜山之下只鐵鑊盤繞山足尋不知極遂  
告湯湯命漁人及能水者數十獲其鑊力莫能制  
加以牛五十餘頭鑊乃振動稍稍就岸時無風濤  
驚浪翻湧觀者大駭鑊之末見一獸狀如猿白首  
長鬚雪牙金目云云又載公佐言從太守元公錫  
泛洞庭登包山宿周焦君廬入靈洞探仙書石穴  
間得古岳瀆經第八卷文字古奇編次蠹毀不能  
解公佐與焦君詳讀之下載此節羅泌路史亦引  
之以爲禹周行天下草木企走蜚動蟲魚俾益疏

之以岳瀆山海二經兩山蠶繭淮水與淝河合流  
經壽春城而北匯爲荆山湖又北而荆塗兩山東  
爲峽出峽而東會淝水以東入於海自神禹道淮  
鎖神巫支祈迄今不知幾千年淮絕無患宏治十  
六七年内荆塗峽間忽有水怪作擊阻拒峽口淮  
水不得泄則壅而旁溢春六濠潁之間田廬多浸  
商舶至湖時遇怪風浪多顛覆往來棹渡小艇或  
至中流或近岸若旋風起大浪三四掀逐而來人  
艇俱沒以是土人名其怪趕浪相諱不敢犯又或



夜靜月明梢人見有物若巨木偃卧沙際方報告  
驚諦倏然入水風浪遽作於是又名曰神木如是  
者蓋四五年正德以後患息人復見於渦河中己  
巳歲予經歷蒙城渡渦河則乾涸通騎矣相傳又  
徙於潁水今潁水復涸或又傳入黃河中未知信  
否予度此物或卽巫支祈也世俗冥識妄謂趕浪  
神木云耳蓋此物鎖於龜山唐時爲漁者掣出常  
一虧形計今必當存而龜山至其渦口舊窟路且  
近渦南上餘里卽荆塗峽口淮淝所由其出而作

崇尊於此國當然者豈氣機衰泄聖神功力有時  
亦置而妖珍之物因得逃脫復出而魚鼈生民耶  
雖然南史載梁武帝築堰壅淮水以灌壽春未幾  
潰水大下響如雷魚頭鬼面之怪下以萬數然則  
淮濱之中自昔固多怪矣又載泗川龜山寺前有  
巨井大鐵索滿其內予嘗泊舟山麓登寺眺覽命  
左右戲引將百丈而不竭井中有聲逢逢然懼而  
命止寺僧及土人皆云昔大聖伏水母鎮之井中  
索其舊物也後會泗州二守張君錫訊其事張云

宏治末年歲大旱淮水清淺龜山居人或見鐵索  
亘河底然以其神物無敢動也予記岳瀆經云禹  
得渦河水神巫支祈鎖之龜山之下淮乃安流今  
世俗所稱大聖降水母豈卽此事而後人傳誤耶  
爲別有說也此二條堪與太平廣記所載互證  
導渭自鳥鼠同穴孔傳鳥鼠自爲雌雄同穴處此山  
正義引釋鳥云鳥鼠同穴其鳥爲鷦其鼠爲鼯李  
巡曰鷦鼯鳥鼠之名共處一穴天性然也郭璞曰  
鼯如人家鼠而短尾鷦似鷄而小黃黑色穴入地

三四尺鼠在內鳥在外今在隴西首陽縣鳥鼠同  
穴山中尚書孔傳云其爲雌雄張氏地理記云不  
爲牝牡案山海經鳥鼠同穴之山郭璞注與爾雅  
注略同惟云鷦似燕而黃色穿地入數尺爲小異  
蔡傳孔氏曰鳥鼠共爲雌雄同穴而處其說怪誕  
不經不足信也兩山墨譚今按甘肅志涼州之地  
兀兒鼠者形狀似鼠尾若贅疣有鳥曰本周兒者  
其形似雀色作灰白嘗與兀兒鼠同穴而處所謂  
鳥鼠同穴者也涼州唐屬隴右道然則孔說非誕

矣又水經注引地說曰鳥鼠山同穴之枝榦也渭水出其中東北過同穴枝間既言其過明非一水矣此又以鳥鼠與同穴爲二山未知何本

洛有二一爲豫州之水一爲雍山之水山海經謹舉之山洛水出焉而流注於元扈之水漢書地理志

禹貢洛水出冢嶺山東北至鞏入河

冢嶺卽謹舉山今名秦嶺

水經注洛水出上洛縣謹舉山又東逕熊耳山魚豢典略云洛字或作雒漢火行忌水故去水加佳按禹貢之洛水在雒南縣界計三百二十里逕熊

耳山北東入盧氏界爲豫境會伊瀍澗三水而入  
河所謂南洛水豫州之洛也山海經白於之山洛  
水出於其陽而東流注於渭周禮夏官職方氏雍  
州其浸渭洛鄭注洛出懷德賈公彥疏洛出懷德  
此洛卽詩之瞻彼洛矣者也與禹貢導洛自熊耳  
者別也毛萇詩傳洛宗周漑浸水也國語三川震  
韋昭解三川涇渭洛也史記魏世家築長城自鄭  
濱洛以東至上郡晉灼曰洛水在馮翊懷德縣東  
南入渭水經注渭水又東逕華陰縣北洛水入焉

王應麟詩地理考洛水出洛源縣白於山東流至  
鄆州洛交縣又東南流至京兆府雲陽縣東又逕  
同州澄城縣西北去富平之懷德亦近禹貢錐指  
洛水自邈朝邑縣之朝坂又南自趙鎮歷華陰縣  
西北葫蘆灘入渭明成化中洛水改流東過鎮南  
徑趨於河不復至華陰入渭矣此所謂洛爲雍州  
之水也

底慎財賦華陽國志引作底春財賦春古文慎字史  
記虞卿傳王春勿予前漢書武帝紀海外肅春慎

並作春納精服馬融本作韋云去其穎曰韋與說  
文韋禾葉去其皮義協韋古文韋也

鄭康成讀朔南暨絕句集傳從之暨及也江良亭云  
暨日頗見也東西日所還繞故以地言之南北皆  
兩極之下日或不致故以日見爲言義本說文

釋元應一切經音義引尙書禹錫元珪太平御覽卷  
八十一引尙書璇璣鈴亦作元珪蓋太今文孫氏  
瑞應圖王者懃苦以憂天下厚人薄己卑宮室而  
盡力乎溝洫則元珪出禹時天以賜禹一曰四海



集

卷之

會同則元珪出案亦用今文家說